



Broj: 01-488/22
Sarajevo, 17. 3. 2022. godine

U skladu sa Smjernicama za organizaciju nastave u ljetnom semestru studijske 2021/22. godine Senata Univerziteta u Sarajevu, br. 01-1-56/22 od 26.01.2022. godine, Preporukom Ministarstva za nauku, visoko obrazovanje i mlade Kantona Sarajevo br. 27/03-35-7793/22 od 4. 3. 2022. godine, Naredbama i preporukama Kriznog štaba Federalnog ministarstva zdravstva od 10.03.2022. godine i Zaključcima Kolegija Univerziteta u Sarajevu-Pravnog fakulteta br. 01-435-1/22 od 16.3.2022. godine, Nastavno-naučno vijeće Univerziteta u Sarajevu-Pravnog fakulteta na XV (elektronskoj) sjednici održanoj dana 17.3.2022. godine od 11,00 sati do 15,00 sati donijelo je

ODLUKU

o načinu i modelu organizacije nastavnih aktivnosti u ljetnom semestru u akademskoj 2021/22. godini

1. Nastava u ljetnom semestru akademske 2021/2022. godine počela je 28.02.2022. godine. Realizacija nastavnih aktivnosti vezanih za predavanja, vježbe i konsultacije u prvih osam sedmica odvija se u online modelu putem programa Office 365, odnosno putem aplikacije MS Teams-a, a prema utvrđenom rasporedu.
2. **Od 9. sedmice ljetnog semestra akademske 2021/2022. godine (25. 4. 2022. godine), realizacija nastavnih aktivnosti za studente/ice I ciklusa studija** (predavanja, vježbe, konsultacije, provjere znanja) realizirat će se u učionici u skladu sa epidemiološkom situacijom i naredbama i preporukama nadležnih tijela.
3. Realizacija nastave za studente/ice II. ciklusa studija, **izuzev odbrana završnih radova**, u II. semestru akademske 2021/2022. godine realizirat će se u online modelu, putem programa Office 365, odnosno putem aplikacije MS Teams-a, a prema utvrđenom rasporedu.
4. Odbrane završnih radova studenata II. ciklusa studija će se realizirati u fizičkom prisustvu u prostorijama Fakulteta. Izuzetno, odbrane završnih radova se mogu realizirati i online u opravdanim slučajevima spriječenosti kandidata i/ili članova Komisije.
5. Studentska praksa će se realizirati u učionicama, osim u situacijama kad je ranije planirano učešće predavača van Bosne i Hercegovine ili stručnjaka iz prakse koji su prihvatili online angažman.
6. Realizacija ispita za studente/ice koji studiraju u predbolonjskom režimu, počevši od aprilskog ispitnog roka, realizirat će se u prostorijama Fakulteta.
7. Realizacija nastavnih aktivnosti na III. ciklusu studija-doktorskom univerzitetskom studiju prava, izuzev odbrana projekata, radnih i konačnih verzija doktorskih disertacija, realizirat će se u online modelu u I. semestru 2021/2022. godine.
8. Studentska evaluacija nastavnog procesa izvršit će se na način koji utvrdi Uprava Fakulteta, a u skladu sa univerzitetskim pravilima o provođenju evaluacije i akademskim kalendarom Fakulteta.
9. Univerzitet u Sarajevu-Pravni fakultet će pratiti epidemiološku situaciju i naredbe i preporuke nadležnih tijela, te u skladu sa istim i u saradnji sa Univerzitetom i resornim Ministarstvom prilagođavati svoje zaključke i odluke vezano za realizaciju nastavnih aktivnosti.



10. Odluka Fakulteta o načinu i modelu organizacije nastavnih aktivnosti u ljetnom semestru u akademskoj 2021/2022. godini br. 01-230/22 od 9. 2.2022. godine se stavlja van snage.

DEKANICA

Prof. dr. Zinka Grbo



Akt obradila i kontrolisala: Mr Vesna Lazić, sekretar Fakulteta

Akt odobrila: prof. dr. Zinka Grbo, dekanica Fakulteta

DOSTAVITI:

- Služba za nastavu Fakulteta
- Web stranica
- arhiva



Broj: 01-LPP-1/1/2
Sarajevo, 17. 3. 2022. godine

PREDMET: Mišljenje o usklađenosti Prijedloga Odluke o načinu i modelu organizacije nastavnih aktivnosti u ljetnom semestru u akademskoj 2021/22. godini sa zakonskim odredbama i drugim propisima

Na osnovu člana 126. stav 2. Zakona o visokom obrazovanju Kantona Sarajevo („Službene novine Kantona Sarajevo“ broj: 33/17, 35/20, 40/20 i 39/21), sekretar mr. Vesna Lazić daje sljedeće:

STRUČNO MIŠLJENJE

Prijedlog Odluke o načinu i modelu organizacije nastavnih aktivnosti u ljetnom semestru u akademskoj 2021/22. godini, koju je donijelo Nastavno-naučno vijeće na XV (elektronskoj) sjednici održanoj dana 17.3.2022. godine od 11,00 sati do 15,00 sati, donesen je u skladu sa odredbama:

- člana 135. stav 3. Zakona o visokom obrazovanju Kantona Sarajevo („Službene novine Kantona Sarajevo“ 33/17, 35/20, 40/20 i 39/21),
- Smjernicama za organizaciju nastave u ljetnom semestru studijske 2021/22. godine Univerziteta u Sarajevu, br. 01-1-56/22 od 26.01.2022. godine
- Naredbama i preporukama Kriznog štaba Federalnog ministarstva zdravstva od 10.03.2022. godine, i
- Zaključaka Kolegija Univerziteta u Sarajevu-Pravnog fakulteta br. 01-435-1/22 od 16.3.2022. godine.

SEKRETAR

Mr. Vesna Lazić

